



Tuismitheoirí  
na Gaeltachta

## **BAINISTEOIR AIRGEADAIS AGUS OIBRÍOCHAÍ EOLAS D'IARRTHÓIRÍ**

### **Tuismitheoirí na Gaeltachta**

Tugann Tuismitheoirí na Gaeltachta (TnaG) cúnaimh agus tacaíocht do theaghlaigh atá ag tógáil a gclann le Gaeilge sa Ghaeltacht nó ar mian leo a leithéid a dhéanamh.

Go hachomair, feidhmíonn TnaG chun:

- Ionadaíocht agus abhcóideacht, ag leibhéal stáit nó eile, a dhéanamh ar son teaghlaigh arb í an Ghaeilge teanga an teaghlaigh;
- Comhairle agus tacaíocht a chur ar fáil do thuismitheoirí atá ag tógáil a leanaí le Gaeilge sa Ghaeltacht nó ar mian leo a leithéid a dhéanamh;
- Forbairt gréasáin sna pobail Ghaeltachta;
- Comhairle, feasacht agus taighde a dhéanamh/scaipeadh ar cheisteanna a bhaineann le tógáil clainne le Gaeilge;
- Scéimeanna a reáchtáil a bhfuil sé mar aidhm leo cur le saibhreas teanga agus le nósmaireachtaí bisiúla úsáidte Gaeilge;
- An Pacáiste Tacaíochta Teaghlaigh a fhorbairt, a riar agus a scaipeadh go cuí;

Tá TnaG á maoiniú ag an Roinn Turasóireachta, Cultúir, Ealaíon, Gaeltachta, Spóirt agus Meán. Tá clár oibre aontaithe ag TnaG leis an Roinn sin mar chuid de phlean trí bliana na heagraíochta 2024-2026.

### **Clár Oibre TnaG**

Príomhscéimeanna TnaG

- Babaí ar an mBealach (ceardlanna réamhbhreithe)
- Suathaireacht Leanaí



- Bualadh Bos (cúrsa nua céadfaí a bheidh á fhorbairt ag TnaG)
  - Gligíní (Grúpaí Tuismitheoirí agus Leanaí)
  - PTT: An Pacáiste Tacaíochta Teanga sa Ghaeltacht (pacáiste leabhar agus earraí eile Gaeilge mar thacaíocht don tuismitheoir sa mbaile)
  - Cuideachta (Grúpaí teaghlaigh atá ag tógáil a gclann le Gaeilge)
  - Siamsán na nÓg (Ceardlanna spraoi aonuaire do theaghlaigh)
  - Cinema Gaelach (Club scannánaíochta Gaeilge do theaghlaigh)
  - An Clár Ealaín Béil (Lúibíní, Agallamh Beirte, Scéalaíocht, Aithriseoireacht srl do pháistí, daoine óga agus teaghlaigh)
  - An Clár Litríochta (Seisiúin scéalaíochta, clubanna leabhar srl do pháistí, daoine óga agus teaghlaigh)
  - Comhrá Teaghlaigh (Clár nua a bheidh á fhorbairt ag TnaG féachaint le cúnaimh breise a thabhairt do theaghlaigh atá ag iarraidh níos mó Gaeilge a úsáid sa mbaile)
  - Teacht in Inmhe (Clár Cinnireachta Gaeltachta don Idirbhliain)
  - Litir chuig Santaí
  - An Pota Stóir (Áiseanna teanga do theaghlaigh a fhorbairt)
- Bíonn Clár Taighde agus Clár Feasachta & Eolais á gcur i bhfeidhm go leanúnach ag TnaG chomh maith.

## **Láthair**

Tá príomhoifig TnaG lonnaithe ar na gCeathrú Rua i gCo. na Gaillimhe. Beidh an té a cheapfar lonnaithe san oifig seo.

## **Téarmaí agus coinníollacha**

Tá an post seo bunaithe ar scála pá d'Ardoifigeach Feidhmiúcháin sa tSeirbhís Phoiblí.

Tuarastal an Phoist: €54,764- €68,970\*.

D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

*\*Caithfear an post a thairiscint ag bun an scála.*



Tuismitheoirí  
na Gaeltachta

Tréimhse an Chonartha: 1 Aibreán 2024 (nó nuair a cheapfar duine i ndiaidh an phróisis earcaíochta) – 31 Nollaig 2026;  
*D'fhéadfaí cur leis an tréimhse seo ag brath ar mhaoiniú.*

Uaireanta Oibre: Post lánaimseartha atá ann, 39 uair an chloig sa tseachtain. Tá gnáth nósanna imeachta i bhfeidhm ó thaobh sosanna srl. Beidh obair lasmuigh de ghnáthuaireanta oibre i gceist go rialta (tráthnóna agus/nó ag an deireadh seachtaine).

Beidh taisteal i gceist mar chuid den ról agus beidh ceadúnas tiomána iomlán glan agus modh iompair riachtanach dá réir.

Beidh tréimhse phromhaidh i gceist leis an bpost seo.

Saoire Bhliantúil: 23 lá *pro rata* agus laethanta saoire poiblí.

Pinsean: Tá scéim pinsin i bhfeidhm ag TnaG. Tabharfar tuilleadh eolais sa tairiscint ar cheapachán.

Tá nósanna imeachta uile na heagraíochta ar fáil i Lámhleabhar Foirne TnaG a chuirfear ar fáil don té a cheapfar sa phost.

### **An Próiseas Roghnúcháin**

Is ceart litir iarratais mar aon le CV reatha agus ainmneacha beirt mholtóirí a sheoladh roimh Dé hAoine 8 Márta 2024 chuig:

[sorcha@tuismitheoiri.ie](mailto:sorcha@tuismitheoiri.ie) nó chuig:

Sorcha Ní Chéilleachair, Ceannasaí

Tuismitheoirí na Gaeltachta

Aonad 3B Páirc Gnó na Ceathrún Rua

An Cheathrú Rua

Co na Gaillimhe



H91 Y0R2.

Ní dhéanfar aon teagmháil le moltóirí gan cead a fháil ón iarrthóir roimh ré.

Seolfar deimhniú go bhfuil a n-iarratas faighte chuig iarrthóirí laistigh de dhá lá den iarratas a bheith faighte. Iarrtar ar aon duine nach bhfaigheann an deimhniú seo teagmháil a dhéanamh leis an gCeannasaí (sonraí thuas).

Déanfar an t-eolas sa litir iarratais agus CV a mheas sa chéad chéim den phróiseas roghnúcháin. Ba cheart d'iarrthóirí léiriú a thabhairt sna cáipéisí sin go bhfuil siad inniúil don phost. Déanfar gearrliosta más gá d'iarrthóirí a rachaidh ar aghaidh go dtí an chéad chéim eile den phróiseas roghnúcháin agus iarrfar orthu siúd dul faoi agallamh. Beidh scrúdú gairid scríofa mar chuid den phróiseas roghnúcháin.

## **SONRAÍ AN PHOIST**

**Teideal an Phoist:** Bainisteoir Airgeadais agus Oibríochtaí

**Freagrach do:** An Ceannasaí

**Cur síos ar an bPost:** Beidh an Bainisteoir Airgeadais agus Oibríochtaí freagrach as cúrsaí airgeadais, cuntasáíochta, riaracháin agus oibríochta na heagraíochta ar bhonn náisiúnta (sa Ghaeltacht). Beidh sé/sí ag tacú le cur i gcrích cúraimí acmhainní daonna i gcomhar leis an gCeannasaí.

## **PRÍOMHCHÚRAIMÍ**

**Cúraimí Straitéiseacha:**

- Réimse leathan d'fheidhmeanna a thacaíonn le cur i gcrích aidhmeanna agus pleananna TnaG.



- Forbairt, monatóireacht agus tuairisciú a dhéanamh ar spriocanna cuí de réir mar a aontófar leis an Ardbhainistíocht.
- Freagrach as sreabhadh airgid, buiséadú agus pleanáil airgeadais na heagraíochta.

### **Cúraimí Oibríochta:**

- Bainistiú chórais airgeadais, cuntasaíochta, riaracháin agus oibríochta na heagraíochta.
- Córais éagsúla airgeadais na heagraíochta a bhainistiú. Ina measc: pá rolla, éilimh ar chostais, íocaíochtaí a dhéanamh, sonraisc a ullmhú, admhálacha a eisiúint, lóisteáil airgid srl
- Iarratais ar mhaoiniú agus deontais a ullmhú i gcomhar leis an mbainistíocht/ardbhainistíocht.
- Cuntais bhliantúla a chur le chéile agus ullmhú d'iniúchóireacht inmheánach/sheachtrach.
- Buiséad iomlán na heagraíochta a riar i gcomhar leis an mbainistíocht/ardbhainistíocht.
- Foireann riaracháin na heagraíochta a riar, a threorú agus a bhainistiú.
- Oifigí na heagraíochta a riar agus a bhainistiú.
- Pleanáil airgeadais, tuar agus tuairisciú
- A bheith rannpháirteach mar bhall den fhoireann agus polasaithe, nósanna imeachta, treoirínite agus treoracha oibre atá nua agus atá ann cheana á bhforbairt agus á n-athbhreithniú sa réimse Airgeadais agus Cuntasaíochta

### **Cúraimí Pearsanra:**

- A chinntiú go gcloíonn na baill foirne atá ag tuairisciú dó/di le polasaithe agus nósanna imeachta TnaG.
- Feidhmíocht na mball foirne atá ag tuairisciú go díreach dó/di a bhainistiú.
- Tuairisciú don Cheannasaí faoi chur i gcrích cuspóirí foirne.



### **Cúraimí Cumarsáide:**

- Freastal ar chruinnithe éagsúla d'fhoireann TnaG mar is cuí.
- Freastal ar chruinnithe rialta bainistíochta TnaG.
- Coinneáil ar an eolas faoi fhorbairtí ábhartha sna réimsí a bhaineann leis an bpost.
- Tacaíocht airgeadais agus treoir a sholáthar d'fhoireann agus bainisteoirí TnaG.

Tugtar an méid seo thuas mar threoir ghinearálta ar chúraimí agus ar fhreagrachtaí. Ní cur síos iomlán é.

## **TAITHÍ AGUS CÁILÍOCHTAÍ**

### **Riachtanach**

- Ardchumas Gaeilge, idir labhartha agus scríofa.
- Tuiscint agus taithí ar shaol agus ar earnáil na Gaeltachta agus na Gaeilge, earnáil an teaghlaigh sa Ghaeltacht go háirithe.
- Cáilíocht ábhartha tríú leibhéal agus/nó taithí in aon cheann de na réimsí seo a leanas: cuntasáíocht, airgeadas, eacnamaíocht, gnó, tráchtáil nó a gcomhionann.
- Ardscileanna cumarsáide idir labhartha agus scríofa agus ardscileanna idirphearsanta.
- Taithí phraiticiúil ar mheasúnú a dhéanamh ar thosaíochtaí agus spriocanna a bhainistiú dá réir.
- Ardscileanna ríomhaireachta agus teicneolaíocht faisnéise.
- Taithí ar phacáistí cuntasáíochta agus airgeadais.

### **Ina bhuntáiste:**

- Cáilíocht agus/nó taithí i gcúrsaí bainistíochta.



## **Ní mór d'iarrthóirí na tréithe pearsanta agus scileanna gairmiúla seo a bheith acu**

- Spreagúil agus díograiseach – ó thaobh na hoibre agus na Gaeilge de.
- Ábalta dul i gcion ar dhaoine agus caidrimh oibre bhisiúla a choinneáil agus a fheabhsú.
- Muiníneach agus cruthaitheach.
- In ann déileáil le fadhbanna.